

近代中國史料叢刊第九十二輯
沈雲龍 主編

期不負齋政書

周家鉞編著

文海出版社
有限公司印行

期不負齋政書

文海出版社
有限公司印行

光緒十二年十二月十五日內閣奉

上諭畢道遠奏臚陳已故府尹政績請宣付史館一摺已故通政使周家楣兩任順天府府尹遇事整頓善政頗多辦理災振尤能多方籌措不遺餘力實惠及民所有周家楣生平政績著准其宣付史館立傳欽此

國史館傳

周家楣江蘇宜興人咸豐九年進士改翰林院庶吉士同治元年散館改禮部主事洊擢員外郎郎中充總理各國事務衙門章京 記名御史十二年奉 旨註銷御史以五品京堂用光緒元年補太僕寺少卿二年閏五月 命充四川鄉試正考官十二月擢大理寺少卿四年授順天府府尹兼在總理各國事務衙門大臣上行走五年夏以母憂去官七年十月服闋 命仍在總理衙門大臣上行走十二月署都察院左副都御史八年正月復授順天府府尹六月充本科鄉試監臨八月署禮部右侍郎九月署兵部左侍郎十二月署戶部右侍郎九年六月署戶部左侍郎兼管三庫事務十年七月奉 旨毋庸在各國

事務衙門行走十一月授通政使十一年八月署都察院左副都御史十一月署吏部左侍郎十二年三月病請開缺五月卒家楣生平孝友篤於倫誼慷慨好施與志存利濟不以境之豐約易其心自爲諸生以至卿貳如一日初家楣充總理衙門章京故大學士文祥深器之其辦理四川教案上書王大臣略言中國地方官向來辦理民教交涉事件教民係中國人但論曲直不論民教川省遇有此等詞訟常多偏護教民甚至抗糧忤逆諸案一經該教緩頰卽予開釋或多反坐每有首告忤逆之案不治其子而咎其父持平理獄之官不以爲職而以爲過者不知激烈之病其患在目前而爲禍迫縱庇之病其患在日後且目前亦難緩而爲禍尤深率此以往必至如雲南甘肅之民回

仇殺禍結兵連悔將何及至該將軍等咨稱教民有犯由司鐸送官究辦是轉以中國治民之柄畀之該教決不可行查川省教案向由將軍主稿今擬嗣後改歸總督主政似此則責任歸於地方知成敗功罪之難諉疾痛皆其赤子知閭閻性命之堪珍時論多韙之丁憂里居值洋教士購建天主堂紳民憤訴知縣問家楣方略家楣告以驗契有無購爲天主堂字樣如無卽係蒙購照章不准執業家楣蓋揆其事之必無故藉此以爲斷果如其言教士遂去泊爲戶部侍郎軍機大臣議借洋款五百萬以四百萬辦銅礦家楣謂似此重息銀兩洋人非軍事不借宜亟造兵船以其餘辦銅爭之力奏上如家楣議行其爲府尹也務飭吏治通民隱培本原正風化履任時首劾臧吏王堃官

方一肅捕盜營添練洋鎗洋礮以重緝捕提審案件剖決如流
京師里諺有云不怕宛平縣止怕到後店後店者胥役私禁處
也家相廉得其實嚴禁之奏建侯質公所於府東偏凡府局大
興宛平兩縣人證咸入其中委員經理備極矜恤通州良鄉爲
京東西孔道差徭繁重車頭奸利擾累良民家相奏設官車局
二會神機營調用大車五百輛不煩民而事集京城內外義塚
盜掘黃土多所侵損家相普加修葺掩枯骸以萬計有盜掘者
嚴治之家相並奏籌近畿教養常款提蘆台地方船捐糧捐用
充廣仁堂義塾經費戶部給發孤貧放款改支實數奏上均如
所請并增設回民義塾六所以化其好鬪之俗家相爲政凡關
係民事廢弛已久者皆不避怨謗毅然規復以功德林畱養貧

民僧徒日久滋弊改歸官辦內務府所管貧民棉衣銀兩言官
條奏亦請歸府尹管理順天府無志書家楣建議創修不十年
而書成別輯幽光錄一編表揚節孝刊布閭閻俾資觀感金臺
書院爲順天課士之地家楣倡捐葺治廣徵書籍羅列講堂加
給膏火資爲肄業之費修府學宮牆祭器樂器以次備具光緒
八年順天府鄉試國子監暨學政咨送考生名數浮於號舍者
三千餘人試期迫官吏皆愕眙家楣倉卒間奏撥巨款展築闔
廡鱗建簷號入闈後傳語簷號諸生遇雨勿散走府尹來同受
從容蒞事旋奏請增建號舍已得 旨旋議格逾三年卒如家
楣議行故明裔延恩侯誠端因昌平陵戶控案交家楣查辦既
奏結復附請照蒙古王公例發給十成俸銀俾充祭需奉 俞

旨允准家楣先後去府尹任皆手書事宜數十條以告新尹家
楣之辦振也以幹濟之略行惻怛之心募捐之數多於帑項私
函之告密於公牘光緒四年秋永清東安武清房山各縣水災
家楣遣員往振或請緩惻然曰固知例須勘報然被災以後勘
報以前小民何所依賴趣卽行仍照章會籌獨振家楣辦災始
此八年文安患蝗河隄潰大城河亦決薊州雹災家楣聞報卽
遴員紳攜款分濟嚴飭捕除堵築民困漸蘇九年夏淫雨河溢
順天二十四州縣相續被災家楣亟遣員紳振撫旋會疏陳災
請振 上命直隸總督截漕備振家楣復專摺瀝陳順天被水
情形詞甚迫切奉 旨迅速籌款妥爲振撫家楣手定章程十
條札行州縣且諭之曰各該州縣需用之款立稟本衙門以資

籌畫如有災不訴所訴不實及籌請之數不足振濟或領銀領米後不能盡心實惠及民致有捏冒遺漏可救不救救非所救皆各該州縣之咎若各該州縣災實必訴所訴必實籌請之數足以拯濟而本衙門不能照數籌備俾得盡心紓災活人則係本衙門之咎寤寐各求所安災黎環集而視天日鑒之鬼神知之維時順天庫存振餘款項僅萬餘金已撥助東振三千外無專款家楣徧告各疆吏海關及施振紳士先後得款逾百萬武清寶坻災較重放款各以十餘萬計會各直省屢告偏災復以其間協撥直隸山東江蘇浙江江西湖北等省比去任庫儲尚存十餘萬兩遂奏請發典生息以備凶荒家楣又謂以工代振爲荒政要策畿東水利以北運河青龍灣及筐兒港兩減河並

沿河各隄工爲最自怡賢親王督理後未議重修因慨然以籌款自任偕直隸總督李鴻章區分督辦費帑三十萬有奇他工程所費略稱是而平糶施粥官醫典牛給種各局咸次第舉行災民慶更生焉先是山東水災流民紛至京師諭家楣妥籌撫卹家楣條理周密因應咸宜并派員在直隸獻縣地方設局畱養勿令流離北徙或釀事端十二年二月奉上諭陳士杰奏前因山東黃水爲災民情困苦節經周家楣等代籌振銀分投散放並廣爲勸募多方籌措實屬勇於爲善歷久不渝深堪嘉尚著傳旨嘉獎家楣歿其子體先志捐解棉衣千件山東巡撫張曜奏請建坊猶稱江浙閩粵官紳之好義皆周家楣一人倡之所謂存心利物必有所濟周家楣有焉家楣旣卒之人

月前太僕寺少卿鍾佩賢等聯名呈列家楣政績懇請具奏於是兼管順天府府尹畢道遠順天府府尹薛福辰奏曰已故署吏部左侍郎通政使司通政使前順天府府尹臣周家楣心存利濟見義勇爲曾蒙 恩旨嘉獎生平志節久在 聖明洞鑒之中原無待臣下贅陳臣等所不能已於言者該故侍郎於光緒四年補授順天府府尹講求察吏安民之要倡修順天府志整頓金臺書院如修府學置樂器加練捕盜營兵以捕剽盜倡設候質所官車局以恤牽連而便行旅至於育嬰義學種桑施粥給孤義塚功德林普濟堂等處善舉不憚煩瑣百廢俱興又舉辦近畿教養事宜在任五年釐然畢舉其最不可及者畿東水利自怡賢親王興修以後屢議重修未果該故署侍郎輒慨

然以籌款自任與臣李鴻章商定援以工代振之義及時興辦
厥工告竣臣李鴻章稱其公忠體國繼美賢王似非溢美而
該故署侍郎猶欲然自視謂僅能於平水之年聊資捍禦及本
年復遭水患果如所言其任事之勇料事之明如此光緒九年
順屬因雨水成災徧及二十四州縣仰荷恩施發帑截漕並

蒙

皇太后節省是年中秋進奉銀兩發振該故署侍郎上體聖
慈下求民隱以誠懇之意感動天下官紳合力集捐以資振濟
得以無策不施有施必速災後數十百萬窮黎藉免流離失所
厥功甚偉當工振緊急之時尚在總理各國事務衙門行走並
兼署戶部侍郎公事繁重而籌辦工振鉅細畢舉山東黃水爲

災倡議籌款協振年來江西浙江江蘇廣東廣西等省屢見偏災紳民助振率賴其提倡以集事本年三月山左黃流復溢該故署侍郎已在病中猶汲汲以籌振爲己任彌留之際以勸振付託僚友無一語及私然則該故署侍郎之志在保全民命培養國家元氣以仰副我

皇太后

皇上視民如傷之意者固天下所共見共聞而不忍湮沒也臣畢道遠等與之同官共事有年知之甚悉臣薛福辰昔任通永道時遇有要事胥賴裁成見聞最確用敢據情臚陳合無仰懇天恩俯准將該故署侍郎政績宣付國史館立傳俾垂不朽而勵將來尋奉 上諭周家楣兩任順天府府尹遇事整頓善

政頗多辦理災振復能多方籌措不遺餘力實惠在民所有周
家楣生平政績著准其宣付史館立傳旋奉 旨 在順天府地
方建立專祠

順天府府尹奏請 宣付史館立傳疏

奏爲已故署侍郎通政使前府尹臣政蹟卓著請 旨宣付史館立傳恭摺會陳仰祈 聖鑒事竊據前太僕寺少卿鍾佩賢等聯名公呈已故署吏部左侍郎通政使司通政使前順天府府尹臣周家楣政蹟懇請具奏前來臣等查該故署侍郎籍隸江蘇宜興縣由咸豐己未翰林庶吉士改官禮曹荐陞卿貳其心存利濟見義勇爲曾蒙 恩旨嘉獎生平志節久在 聖明洞鑒之中原無待臣下贅陳 臣等所不能已於言者該故署侍郎於光緒四年補授順天府府尹講求察吏安民之要倡修順天府府志整頓金臺書院旋以母憂去官光緒八年復拜府尹之 命如修府學置樂器加練捕盜營兵以捕劇盜倡設候質

所官車局以恤牽連而便行旅至於育嬰義學種桑施粥給孤
義塚功德林普濟堂等處善舉不憚煩瑣百廢俱舉又舉辦近
畿教養事宜在任五年釐然畢舉然此猶有地方之責者所當
爲也其最不可及者 畿東水利自怡賢親王興修以後屢議
重修未果該故署侍郎輒慨然以籌款自任與臣李鴻章商定
援以工代振之義及時興辦厥工告竣臣李鴻章奏稱其公忠
體 國繼美賢王似非溢美而該故署侍郎猶歛然自視謂僅
能於平水之年聊資捍禦及本年復遭水患果如所言其任事
之勇與料事之明有如此光緒九年順屬因雨水成災徧及二
十四州縣仰蒙 恩施發 帑截漕並蒙

皇太后節省是年中秋進奉銀兩發振該故署侍郎上體 聖

慈下求民隱以誠懇之意感動天下官紳合力集捐以資振濟
得以無策不施有施必速災後數十百萬窮黎藉免流離失所
厥功甚偉當工振喫緊之時尙在總理各國事務衙門行走兼
署戶部侍郎正值公事煩重而籌辦工振無論鉅細必躬親料
理山東黃水爲災倡議籌款協振年來江西浙江江蘇廣東廣
西屢見偏災紳民助振率賴其提倡以集事本年三月山左黃
流復溢該故署侍郎已在病中猶汲汲以籌振爲己任彌留之
際以助振付託僚友曾無一語及私然則該故侍郎之志在保
全民命培養 國家元氣以仰副

皇太后

皇上視民如傷之意者固天下所共見共聞而不忍淹沒也臣

畢道遠等與之同官共事有年知之甚悉臣薛福辰昔任通永道時遇有緊要事件胥賴裁成見聞最確用敢據情臚陳合無仰懇天恩俯准將該故署侍郎政蹟宣付國史館立傳俾垂不朽而勵將來出自逾格鴻慈謹會同大學士直隸總督李鴻章合詞恭摺具陳伏乞

皇太后

皇上聖鑒訓示謹奏

大學士直隸總督李鴻章奏請建祠疏

再據大興宛平通州武清等十七州縣紳士翰林院編修徐致靖邵松年等聯名呈稱原任順天府府尹周家相政蹟昭著德惠及人紳民謳思不已請擇地捐建專祠以伸報饗等情臣查周家相兩任府尹察吏安民興廢舉墜地方事宜釐然畢舉光緒九年大水爲災振撫孔亟旣蒙 恩施截漕發帑復因官款支絀會同臣竭力設法籌勸以誠懇感動各省官紳遂得集成鉅資源源解濟俾十餘州縣垂斃窮黎咸資生活又以 畿東一帶隄河年久未修力籌款項分投疏築以工代撫他如書院義學善堂凡關教養者無不毅然爲之實有功德於民前已奉旨將其政蹟宣付史館立傳欽遵在案茲據十七州縣紳士

聯名呈懇皆出愛戴至誠亦與歷辦成案相符相應仰懇 天
恩俯准該紳民等於順屬擇地爲該故府尹周家楣捐建專祠
由地方春秋致祭以順輿情理合會同兼管順天府府尹臣畢
道遠順天府府尹臣高萬鵬合詞附片具陳伏乞 聖鑒訓示
謹奏 光緒十三年閏四月初九日奏奉 硃批著照所請該
部知道欽此

山東巡撫張曜奏請建坊片

再據上海協振紳士謝家福等稟稱已故署吏部左侍郎周家楣之子周志程周志劬因其故父平生好善光緒九年在順天府府尹任內代籌東振先後撥助六萬餘金彌留之際猶念東災令購棉衣一千件以備東民禦寒體故父未行之志不敢仰邀獎敘等情臣查已故署侍郎周家楣懷樂善之誠救災恤鄰不分畛域於光緒九年山東黃水爲災代籌賑需委揀選知縣潘民表來東散放手具災啟四出募捐由是李培松嚴作霖等創捐於揚州施善昌陳煦元等代募於上海各省官紳亦均勸捐接濟計五年之中除官振外共放善振銀一百數十萬兩全活災黎無算江浙閩粵官紳之好義周家楣一人倡之所謂存

心利物必有所濟周家楣有馬九年十二年經前撫臣陳士杰
先後奏蒙 傳旨嘉獎至其生平政績已奉 旨宣付史館立
傳並經大學士直隸總督臣李鴻章奏請在於順天府屬建立
專祠今伊子周志程等捐助棉衣一千件照章合銀一千兩洵
屬克承先志核與建坊之例相符雖據聲稱不敢邀獎未便壅
於 上聞可否由周志程等爲其故父署侍郎周家楣在籍建
坊之處臣未敢擅擬謹附片具奏伏乞 聖鑒訓示謹 奏奉
硃批著照所請禮部知道欽此

順天府府尹奏 聞通州建祠片

再前府尹臣周家楣遺愛在民據大興等州縣紳士呈請在宣武門外捐建專祠經臣等奏奉 諭旨交禮部奏覆議駁請飭下順天府令該紳士等在順天府所屬地方擇地修建等因奉 旨依議欽此行文到臣衙門當經轉飭遵照去後茲據該紳士等在於通州城內採買民房經官紳捐籌款項將專祠修建完竣其修建經費既由官紳捐籌應免造冊報銷理合附片陳明伏乞 聖鑒訓示謹 奏

| | | | | | | | | | |
|--|--|--|--|--|--|--|--|--|--|
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |
| | | | | | | | | | |

順天紳士請建專祠稟

具呈大興宛平通州昌平州涿州霸州寶坻甯河東安武清文
安永清三河房山懷柔良鄉密雲十七州縣紳士翰林院編修
徐致靖邵松年戴彬元內閣中書劉家蔭查恩綏羅秉誠顧芳
吏部主事范廣衡戶部郎中馬瑜員外郎馬衢亨主事俞贊虞
魏延齡七品小京官林景賢禮部主事俞培元兵部郎中李國
琇李廷瑞主事朱樑濟呂海寰沈維誠刑部郎中楊景孟員外
郎王鵬運主事劉鴻熙邵椿年劉勳工部郎中張端本李鼎銘
員外郎吳聲振主事楊聯桂王振聲司務沈林都察院經歷錢
慶植劉廣第光祿寺署正沈榮綬邢乃濬李廷璽俞奎文俞志
祥胡尚德典簿賈紹祺欽天監監正杜春融國子監學正朱雋

瀛翰林院待詔鮑忠瀚鴻臚寺序班宋如璟錢禧增蘇振常山
東候補知府桑彬山東大挑知縣方學海河南嵩縣知縣沈傳
義候選知縣翁立德董志敏劉霖周鳳標候選通判劉壽崧候
選教諭朱啟燾詹桂張昭宗晉源舉人金思誠徐端游鳳岐曹
克祇張廷鈺苗迪元徐振廷靳作霖王鎬苑楓林葉崙王涵郝
植東徐浩王者民陳智拔貢李祖祿魏士倫常述副貢生王惠
培廩貢生李永錫汪汝霖金汝霖劉維翰廩生陳俊附生張學
齡呂恂曹景新陳文驪方奎等呈爲原任府尹功德在人援案
籲請大公祖大人據呈會奏准建專祠以順輿情而彰 盛典
事竊惟史載循良千秋競傳其姓氏民懷膏澤百世願奉以馨
香禮云有功德於民則祀之詩云蔽芾甘棠勿剪勿伐召伯所

茲是以頌垂著作之林里立樂公之社雖在一州一邑苟有政蹟可稱靡不樂案報恩絃歌薦食况邦畿之表率首善之儀型乎如原任府尹周筱堂大公祖其生平政蹟已詳紳等另呈具邀鈞眷惟是德政之鑄未已而蒸嘗之典缺如非所以景前徽昭後禩而紳等感慕之私尙有未盡溯查光緒八年督憲李曾據固安等八縣紳士劉煦等呈請爲原任府尹李在永定河道任內遺愛請於固安縣地方捐建專祠 奏准有案紳等合商擬查照成案請於順屬地方捐建原任府尹周家楣專祠由地方官春秋致祭仰請大公祖大人會同督憲據情轉奏庶仰絲綸之寵渥共切景行而瞻廟貌之式崇稍伸報饗爲此聯名合詞具呈伏祈恩准施行實爲公便謹呈

通州紳士請款建祠稟

具稟五品銜候選州同廩貢生馬鳴珂藍翎五品銜劉恩成六品頂戴郭維垣鴻臚寺序班李鏞六品頂戴候選從九楊霖五品銜漢膾錄馬青雲中書科中書王芝祥候選兵馬司吏目李聯芳乙酉科舉人滕致祥藍翎護軍校恩麟戶部郎中李慶延刑部主事毛煥樞乙酉拔貢于振鏞都司職銜曹涵武舉立常杜景山廩生梁棟宗伯棣文生楊振聲張銘楊晉恩武樹棠呂鴻達郭雲書倪恩培王廣運武生吳永豐張銳李鴻儀高德祥六品銜翁慶輝七品銜沈富稟爲大員功德在民羣黎謳思不已公請於被恩尤重地方捐建專祠以伸報饗籲懇俯順輿情立案事竊前蒙通州張牧邀集職等面諭捐建原任尹憲周公

專祠等因職等敬聆之下欣佩難名伏思原任尹
任京兆善政實多不可枚舉業已宣付史館列入
庸贅述於光緒十三年四月間經大興宛平通州
州縣翰林院編修徐致靖邵松年等聯名呈稱原
尹周政績昭著德惠及人請擇地捐建專祠由地
祭等情蒙督憲李兼憲畢尹憲高會奏奉 硃批
部知道欽此伏查光緒九年以來 畿輔州縣迭
尹憲周費盡心力籌捐鉅款振撫災區均極優渥
尤重各粥廠因米石加多經費不敷另給柴薪之
黎咸慶更生並因車頭滋擾過甚不避嫌怨不避
設官車局以除二百餘年間閭行旅之大害實係

不心香口祝擬卽遵照于通州城內覓地捐建專祠藉伸感激之忱惟查官車局設已數年係租用民房地勢甚屬不便現既議建周尹憲專祠擬將官車局卽附于其側就近管理在祠宇既可省看守經費不致廢弛官車局亦省每年出租可垂永久一舉兩便似爲妥協通共估計約需銀三千餘兩奈通屬災歉連年民氣未復因思前尹憲周創立官車局原係藉資民力以本地之錢辦本地之事每年辦公以外積有盈餘今所需建祠款項除紳民捐集不敷外擬請于官車局餘款項下分作三年提撥訪之輿情均皆樂從爲此合詞稟懇如蒙恩准卽擬趕緊捐金購料擇吉開工是否有當職等不揣冒昧伏乞大公祖大人恩准立案施行合郡均行感戴無旣上稟